

通志下(四)卷八

溫州府 國 公 館

蒼虬閣詩卷六

戊辰十二月至己巳

蘄水陳曾壽

感憤

今日猶爲國有儒奄奄氣息李曹無薰天時見苓通帝
抱義真傷咫尺孤孟博採湯甯顧族偉卿入鑊早忘軀
欲奢持狹由來事空奉彊華赤伏符

謝陟甫饋蒸鴨

山谷學道持戒律晚苦頭眩初破罩我生偷妄百不逮
一事差勝惟憂勤橫機修羅劇刀箭始知脆弱芭蕉身
廿年蔬園牛踐履多生負債潛悲辛晨秋居士濡响我



肥甘數致沾枯脣區區甯非口腹累妄託滋益饕餮羞珍
時來卽行逢便喫緋衣造詣非等倫生天成佛豈子分
一身爲薦羞無嗔宛轉君勿薄雞鶩見用於世皆深仁
我願將身化千億往飫來世幽憂民

梅泉五十初度有詩及后山簡齋自抒身世之感屬和
深吸西江得我師二陳鬱鬱各嶽崎玉成古有寒無價
行意今餘筆可持亂世崢嶸元不負多才潦倒便能奇
男兒窮厄誰輕料正及前賢寢盛時

用伊
川語

冬夜雜述

生事寒燈在孤明悄悄心耽書知老至愛夜得秋深願

温

滅香仍炷聲乾葉尙吟百年拚寂寞一念自蕭森

心遠囂塵隔天游斗室寬學書參靜理作畫避憂端排
遣非無術枕冥有未安戎戎溷夷市差勝墮虺壇

倦惜看書少愁餘著句能去憎蠅暫遠多可鵲無憑志
屈甯甘隱心寒每入僧未須商去住聊得耐曹騰

未覺艱虞極常悲氣類孤空存影酬贈安得色敷腴曠
宇寒能滿秋芳淡欲無方知楚纍恨勇決訪彭居

眼倦燈初炷窗虛雪乍明微知花氣息獨與硯平生瀉
竹侵幃濕冰泉入茗清猶慚僧課密澀殷曙鐘聲

香發深煨芋醪醇偶滿樽堅冰區宙合宿火此心存低

雁知雲重馨梅破雪溫鄰雞不辭凍猶自警昏昏
落木已云暮朔風何怒號瘴深挾海隱霜勁逼辰高擊
筑同心隔排闥昔夢勞驅除何日盡殺氣動邊旄

慘黷江連海風霾日一至昏人情思瑾塞天意縱摧撤未
缺胡鹽醬仍羞鬼壁垣安心移世界寂寞與誰論

予季嗟行役飢驅歲盡時無親身始賤急難聚堪悲薄
酒猶成醉秋茶自可飴凋年兼雨雪滄海一帆遲

混沌成今日黃唐憶昔年禍樞應有屬疏網久疑天月
墮躔光在樓孤夜氣專無行更何待几榻與迴旋

後劇

溫

後劇增前劇相尋且未休固知窮有變未省發能收患
氣看全伏遺黎可盡劉卅年念終始一著覆神州

題馮君木逃空圖

一笑人間萬劫忙虛空能住更無鄉神焦鬼爛無逃處
虎倒龍顛亦道場觀世未妨千睥睨安心不斷百思量
畫師能會忘言意足底山河入混茫

題曹靖陶看雲樓覓句圖

東坡追亡逋山谷去琴軫佳句無定在取攜在俄頃
靄靄空中暉目注若有領變滅無端倪一字天地準曹侯
大雅姿聖處闢疆境彈指妙明花一笑出枯穎

吳寬仲先生挽詩

故國尋耆舊同心獨此君
早輕南郡士憤著北山文
高節甘僧服剛腸絕世氛
晨星苦相數鄰笛豈堪聞
師執餘公在交期劉宋間
九原終不負卅載邈難攀
賤子蒙湔祓凋晨慰往還
獨慚虛一諾欠寫鹿門山
救國違初志懷賢紉楚芳
事功一太岳翰墨兩襄陽
終鬱青霞氣愁霾白日光
示兒傳絕筆遺恨薄天閭

忠樟行

法相寺在南高峯之趾門前枯木屹立突出如夜叉
臂未之奇也寺後據崖有樟大數十圍雙幹拏雲如

退

飲

大鵬之張翮古藤纏之陰森可數十畝未測何代物
予同散原先生來游見之散原謂予曰廬山五爪樟
名震寰宇視此斯在下矣約同人賦詩張之築亭其
下刻記於石一日老僧送客指門前枯木謂君亦知
此乎是忠樟也辛亥歲十一月 遜位詔下之前一
日天氣晴明忽大風起於殿後門戶砉然洞開次日
起視則此樹禿然無一葉槁矣當 純皇南巡幸此
寺山中老樹皆賜 御牌挂之洪楊之役毀伐皆盡
此樹巍然獨存今殉國也予愧前賞後樟之奇而失
此交臂亟爲作詩以表其忠昔 純皇幸無錫秦氏

園有老樟亦賜 御牌歸朝曾問樹平安否後 純

皇賓天樹枯死與此正同

法相寺前枯死樹十年百過初未識臣節一髮繫孤根
老僧告予三太息向來此樟護山門鬱鬱蒼雲歲月積
無風石壇夏嚴冷不雨軒廊晝昏黑時維元冬亥年尾
大風一夕摧殿壁晨起驚看一葉無鵬鍛龍僵神鬼泣
詰朝傳聞哀痛詔巨猾移天 帝遜國乃知貞柯殉奇
變神物義不污盜賊 純皇當年幸六龍山中草木生
顏色嘉樹一一賜 御牌百年長養蒙恩澤亂經洪楊
毀略盡遺此崢嶸戰冰雪氣排逆刃可辟易心蝕沈哀

溫

竟摧絕我聞此言羞至髓反顏豈暇干官責偷生忍垢
竟何補蹉跎一念錯鑄鐵昔吟老樟窮贊歎築亭作記
兼刻石突兀靈竒失交臂使我魂傷血霑臆兩樟生死
各千古作詩豈獨慚筆力

戊辰除夕

春聲比戶隱闐闐猶有殘黎共歲年寥落心情疑我喪
崢嶸憂患付唐捐寒花對酒愁孤絕斷雁呼雲路幾千
廿載涕痕滿不去縞窗曙色若爲憐
以近詩請散原先生評定附呈一詩
窅然於世何疏親我心寥忽如孤雲獨迴一念依古德

寒灰微爇存鑪薰天寒往叩寂寞宅年來止酒將何欣
旁無給侍有壁立殘書擁几移朝曛至人神凝莫疵癘
狂風魑罔徒紛紛等心初不辨孔跖牀下蟻鬪甯知聞
夢懸孤光表冥晦道在屯剝非華勛持世豈在郭李輩
聊許文謝張孤軍我來區區獻文字願挹灑氣澄冤芬
苦心證慰快一吐安問異世悠悠云敝裘欠伸忽改歲
鄰園花事天機勤行擷春柔渙心結侍坐還睨高天雯
寄治薌

奮翮猶當惜此才蕭然行鉢晚堪哀已拚舊事浮雲散
真覺中年萬恨來子影攜依憐小德斷腸傳寫欠阿灰

溫

尋山舊約休頻誤準擬相逢花正開

去春約游上房山
未果山中海棠牡

丹最
勝

河坪上塚

獨來雲氣益淒其孤憤惟應地下知
跬步灰心猶忍事殘生求志恐無期
霜乾野草回榮易風蓄寒松欲靜遲
水遠山重更回首魂傷眼冷不多時

黃州江干旅夜

崩岸村移感舊經荒江獨夜酒微醒
萬端空後觀憂患結念孤時贅影形
霜氣穿茅燈颭颭角聲挾浪月冥冥
天親回首餘抔土陌路逢人淚自零

朱用和招飲因憶其尊人曉嵐先生飲酒之樂愴然出

涕送贈一首

美酒易盡悲難空平生風義懷朱翁翁昔釀酒鑑湖側
百二十甕堆醇醲酒成跌宕走京國意輕萬戶豪千鍾
歸來經年卧酒病百藥嘗盡如神農佐軍粵西鏖積寇
偶探囊底收奇功長才老謀時不遇晚經桑海悲哀慵
朝晞暮暗減食寐國之舒慘如在躬卻尋故居武林市
十年久據狐兔叢發藏多供兵子醉急呼朋好開泥封
傾寫瀲瀲照益益朋比公瑾秋歷冬小車載來湖上宅
香流茵墊涎涎溪童夜歸踏艇誤踏浪淋漓襪履勞燂烘

溫

深情極意那可道
倏忽宿草埋幽宮
海隅張飲踵公子
感舊涕出知何從
時移志事去日遠
尊俎猶昔心誰同
偷生羞塵國士遇
念亂誰及君山忠
酒人向來少成事
荆高遺恨迴悲風

爲蘇堪作夜起圖卽祝其七十初度

任重吾道遠才老天心奇
沈吟鬢未霜忽已七十時

主憂臣分辱錫嘏惟遜辭
愧彼惜涓埃妄徼非分施

竭來慰朋舊婉變花前卮
雲天需宴樂貞吉符爻詞
嚴整性所耽雞鳴日孳孳
屬作夜起圖此意誰能知
精金淬百鍊事會無窮期
夜衣不遑寢逆旅真吾師

爲鶴亭作寫經圖題句

鶴亭在京師見查聲山學士居母憂時寫經圖卷以
有母在未購奉諱後求之則已歸南海譚氏屬予補
作予與鶴亭皆以四十九年失母往日子作畫時予
母恆坐視終日今無復此樂矣

觀畫慈顏得暫怡小園花發晝長時東方日出人間世
曾影南窗母與兒

甘爲人役豈終窮羞共時人論拙工初志曾輕閭右相
誰知老作石田翁

風葉飄蕭秋氣深寒柯瘦石墨如金雖然未得營邱筆

溫

亦是山林獨往心

挽陳宜仲同年

寥落功臣後三湘賸子賢苦心容螻蟻微恨託蘭荃忍
絕逢辰望俄驚在巳年節終存至慎何日表緜田

危局歧尤甚閒居念每深匪躬惟獨喻共命失同心著
述看苟老焦勞擬墨任痛無房杜遇空感迹難尋
志事餘孤疾崢嶸付逝波蓋棺知不瞑留命更如何擾
攘輕龍戰衰遲感鳳歌同災不同盡疏遠負恩多

高樓

高樓長夜破淒迷風偃長林一向低動海霞光侵落月

連天蝸嘒亂鳴雞流金氣候今日昨隱几生涯東院西
康濟自家身亦可何緣洗耳萬方啼

擬孟郊

歲除非故春夜曙非昨晨水流無迴波落葉不及根但
有孝子傳曾無頌慈親親慈爲固然子孝爲鳳麟生養
只半菽死祭列八珍人事每顛倒豈屬傷哉貧始知天
壤間有恩無報恩自稱報恩者斯人真妄人

殘暑

殘暑稽留忘主賓追涼永夜坐逡巡風悲微覺天地肅
月白孤餘肝膽新漠漠殘香迴細篆沈沈暗水起微鱗

沈

此身那得同溝斷任轉陵遷谷變辰

題戴文節公湖天清曉圖

書來問苑與曾兼天一畫

畫家正宗稱四王導源董巨承倪黃從風蔚起紛百輩

誰歟殿者戴侍郎侍郎觥觥表節義託興丹青特餘事

雲龍上下邵

位西許慎生曾滌生

鎖院風流後難繼家

住錢塘山水絕盡化煙雲為筆墨幽人懷抱非世間愛

摹清曉湖天色南北沈沈橫兩峯落月未落聞疏鐘雲

鬟不動睡初起愁絕西子難為容古來能手各爭席秀

韻天成公第一沈瀧吸取黃鶴仙

叔明有湖山清曉圖王世貞題詩有吸將

三斛碧沈瀧之句

山林獨往營邱筆卷中雲物皆依舊可惜靈

區蒙海臭忠魂應自戀清暉華表堪悲朱鳥味故家喬

木迹未蕪清冷有硯今在無

公殉難攜畫硯沈園池中

但應模糊滅

聞見夜山繼繪高尙書

秋懷三首

微籟沸天地百蟲爲一吟喧奪萬籟寂氣噤龍象瘖長

夜何怨詛切切終古深意欲駐冥晦日月不照臨露氣

裹重蘭九幽載俱沈天旣非昔秋予亦違夙心殘釭對

淒警橫臆峨蕭森

亭亭碧梧樹一夕秋風吹書來問我瘦有弟天一涯氣

弱畏熱候形貌倏支離鏡顏朝暮異遞變子爲誰肥瘠

溫

兩非我剛餒要自知澄潭映孤月前路了不疑願同保
歲寒過駟猶可追

秀夫沈海中擴廓竄塞外志事雖不成生氣千古在凜
凜天澤義一息持顛沛君臣二爲多孤舟地非隘但得
肝腦塗足抵風雲會屯運與昌期同扶天紀墜時乎不
驟得誰識我心瘁

湖夜

水擊微風露洗林閒廊舊夢已銷沈重經踏月陰陰地
幾損扶天悄悄心扣石拚同如意碎瘞書未信井函深
畸零蟣蝨猶難礙愁影朝朝費照臨

八月初九夜夢至一處案上書裝冊甚古繙視爲魏晉
六朝人詩梁詩標曰梁言齊曰齊言妙趣紛綸益有
餘味醒後追憶不得遂擬二首彷彿所見云

迴薄萬古松掩抑朱絲桐相依北窗下合奏生悲風霏
霏香蒸鑪疏疏燈映櫺一彈清我心再鼓還我容

聲出幽澗泉始知山雨歇濕香入庭戶蒼萄花初發一
絲收鉢雲半壁吐巖月道人方不眠清詠自怡悅

九日焦山登高同公渚作寄君適廬山
穿上煙蘿拾墮樵連江寒籟起蕭蕭已先霜木驚搖落
暫狎風鷹共次寥寥寄遠恨無書付雁澆愁難倚酒盈瓢

退

斷崖何與人間世濺蝕潮痕永不銷

同陟甫印樓厚先公渚至別峯庵觀落日歸坐定慧寺

山門

削崖巖嵒俯浩蕩盤鶻風高身欲傍人間塵憂不到處
心在塔鈴相輪上淮南煙樹渺千里江左羣巒疊高浪
瘴合海門深復深穿射紅鱗獻奇狀暝鐘初發起江聲
洄激噌吰作悲壯獨抱琴心忍終古山門孤桐爲惆悵
書諸暨蔣觀雲詩集後

不會相見廿年後同異紛紛俱劫塵初意全違應有悔
苦心難閉尙餘呻榮枯迹已殊華管功罪今猶混李荀

未暇相哀各沈恨遺詩得失付閒人

聞國變後蔣氏杜門不出其子作都

督乃拒之不使見詩有西山薇蕨之語然其初海外論著抗厲潰決有過於梁氏者豈有所深悔耶子未見其人其弟子某堅以遺

詩屬題故勉應之

十月率室人及兒子邦直女荃視長女疾於廬山之蘆

林適散原先生先來牯嶺過訪先生有詩奉和

急難來山中意外與翁會驚魂親紫眉暫分窗日曬淵
明去何之位置天心怪雲嵐媚老眼稍喜聞見隘返廬
調藥鼎顛風鳴萬籟平生安心方臨事忽破碎曉窗隔
霧雪一室乃無外似將入混沌彌縫大宙壞身落五蘊
中安能正災害累劫兒女恩鐫刻木石界何時世械輕

退

憂端釋華岱爐灰撥陰何靜與希夷對
次韻散原先生大雪後過訪

入山寒拾真伴侶躡躡雲間復相聚我視女疾討靈藥
翁就子養棲巖堵萬峯晴雪光眩亂風帽籃輿聞打戶
問知有瘳一開顏盎然春氣迴吾所造化控搏豈窮極
顛倒殃祥遞戚舞一身煎熬不自克乾坤瘡痍誰爲主
大哉死息吾未竟賸補謳吟償肺腑吐噓冤氛滿巖谷
浪使山靈驚苦語濡愁吮墨還作圖防損匡君貌奇古

來詩屬作
幽棲圖

同君穎至黃龍寺

黃龍寺前娑羅樹直幹斑文屹天柱我坐其下誦金經
蒼翠婆娑開古庭苔地陰冷擁黃葉四山龍氣交冥冥
石上猶刻曇詵字手種已是千年事高僧有情何處逢
遺蹤獨起寒山意

奉和散原先生二首

狼狽沈緜二十秋忽驚傅翮落巖幽温煇積雪千峯底
刻畫窮山二鳥囚黑夜熊啼通磬欬晴天木甲散鋌矛
此身何得同溝斷化石當前恨卽休
萬竅呼號聲合時孤懷起滅入支頤苦言世械深妨道
未絕天黥尙有詩挾刃風威疑割席翳燈嵐氣巧通帷

温

飲

冰霜剝盡求真面正要先生作導師

來山中不得往游諸勝悶坐簡散原先生

殘生萬兀愁相見未合寒山照獨吁敢望乖崖分洞壑

聊殊絳縣在泥塗雲封獅口樵初斷冰薄龍潭澗欲枯

賸得微吟安樂法多時雪檜已模糊

誦普賢行願品

昔聞有士黃山巔諷經報母多歲年板閣有客夜投止

聲徹三界悲人天有時狂風越嶺至咻若有物伏戶邊

黑雲蜿蜒迸入室經字俄翳燈難然精誠向母願無盡

雖有異感心不遷我今誦經廬山裏冀瘳女疾中懸懸

天傘蓋雲衣服雲忽若飄拂周大千塵根悠忽少精進
遠隔淨域猶天泉安得諸根箭脫弦我亦身坐西方蓮
但求漏果世緣重寸心遙爇香鑪煙

同君穎宿聖華精舍

忽誤泉聲是雨聲夜燈小閣不勝清暗滋淨几流雲氣
微白遙峯漏月明好夢直疑身再至勞心澀與靜相迎
人心苦相良多負閒話前蹤感易成

夜坐二首

雪閉巉巖石屋深荒山歲月益駭駭枉旋蟻磨人間世
難淬龍場死後心洩霧飛雲輕變滅寒莎衰笛共銷沈

退

况

易堂一去焦團老愁絕崑山老鶴吟

亭林有老鶴
萬里心詩

此身何分萬峯藏飽飯藜羹傲子桑眼淨煙霏山寂定
心降泉滴夜清涼果堪空谷了身世願就非人爲道場
落月寒躔低欲盡海天回首恨茫茫

爲散原先生作幽棲圖次韻

曉夢兼雪清寒光擁卧榻峯峯沈睡容幾日斷行跋凍
筆寫幽棲窮途天使合儻作先天圖漁樵演問答空寥
宣故吐清冷味新納難言託枯穎二石石濤豈真衲留
遺好事人把卷幾開闔

晚霽

晚霽不世計
餘韻與無人
聊對孤松
然持將全
案出

天鑿疏慵不世情，忽辭漫誕入崢嶸。
居然許椽全家住，欲學龐公採藥行。
煮茗偶參高士座，開雲晚霽女兒城。
我無住嶽珪師力，但籲神君轉死生。

聞近事偶作

狐捐狐狸亦苦辛，濡須何罪共成塵。
長看野戰龍無首，信有天驕恙噬人。
編夜霾晨移寤寐，冰天雪窟作清新。
此中公道殊人世，終鬱前頭萬木春。

石滑

石滑行綦熟，風狂很谷磨。
窗光明宿雪，經課對寒燈。
芋火偏宜夜，生涯漸近僧。
乘除百思想，何以證南能。

况

幽憂二首

短睡苦未安長睡不卽來顛倒怖喜間寸隙腸九迴中
峯富蘊蓄呼吸殷風雷終然落無悶天外雄崔嵬
皇天錫幽憂往復安若命將身入弄鼓或以不戰勝眾
峯圍夜禪一月提祖令未能逍遙游且入駱駝定

擬游白鹿洞未果

東林香火散秋煙淡薄儒門更可憐問道不曾逢摠老
結廬何處訪窮禪山空疏把文公蓋潮落都無子靜船
欲掃齋壇尋舊約洞門雲鎖已千年
山中卽事二十四韻

驟暄迫窮陰蒸霧起寒凌峯峯輝玉屏谿谿窅窅水鏡冰
柱撐突崖瓊屑齒裂壘朽枯被鱗甲搖曳響鐘磬高礬
羅萬纓栴壁滑千磴搶地叢篠低冠巖一松勁救渴細
竇鳴裏脆寒菜臙枝拳凍雀癡尾曳竈犬佞粉飾到茅
屋低昂失舊徑俄頃騰濛濛迷翬跬步近練斷豁腰腹
裳褰露股脛焚鼎香煙肥披天絮襖稱混茫萬象冥寂
滅四禪定中宵星斗爛織翳掃忽盡聳峙入莊嚴樓閣
浸寒韻一白周九天廓然見無聖嗟予况瘁餘得睹巖
壑勝絕境生淨觀神籟發衰聽誇麗祕陽施刻露見陰
凝強剖冰雪心未得憂患正崎嶇歷千盤向上難一寸

溫

酷寒天所縱僵卧我爲政方丈獅座空維摩本無病冰
硯炙微漸貽我以無悶

十一月廿四日攜女下山治疾走別散原先生

入山抱憂刃出山剗冰眸纏性萬古哀挈去半若留叩

門與翁別恂恍何言酬示我哀會篇

曾重伯

涕沈湘水舟

跡弛微惜才攢念與心雝結鄰梁居上

璧元

瞽目傳詩

郵經旬不相見倏忽殊明幽屏居雖人外死喪攫天游
烈風夔罔兩羣雪無時休埋影子一老上徹商聲謳帝
饗歌哭尊孤噫專靈邱難容一榻安偈仄悲神州天譴
子小子殃及千悔尤微聲示大戒飲戈復以矛小心謹

奉受冀以迴神庥凜茲一髮傳緜延羲孔憂肩輿下危
梯兢凌滑不收直引霄漢魂下落萬丈湫陽崖碑慘澹
陰壑森颺颺屑瓊絡磊磊渾璞表修修有松僅自救有
竹連偃僂枝條盡臃腫張網紛蛛蝥朽枯幻大壯照耀
驚雄彪便疑堅冰終永永無春柔沈睡寂中峯天半餘
贅旒連岡轉俄斷窺罅吐亂洲蜿蜒白浩浩荒江背天
流還想面壁翁欠伸迴白頭巉巖萬遮眼聊障江海愁
棲神一峯定飄宇孤雲浮我心萬金藥終致瞑眩瘳

下好漢坡

千步心隨滑磴移應憐赤足踐休澌人生健者無壯老

溫

况

但恨今無張柬之

馬通伯

初

初

初

初

欣

不

如

亦

如

温

野對今無張東之

好

一奉定

...

...

...

...

...

...

...

...

...

...

...

...

...

...

...

...

...

...

...

蒼虬閣詩卷七

庚午至辛未

蘄水陳會壽仁先

挽馬通伯

世亂贅腐儒斯文極天椽厄年逢在巳碩果仍見奪京
曹昔共居滄海氛已惡果然大軸翻含生化毛角決去
我何成強留翁豈樂舊京再相見溫偉驚索寞逃禪鬱
苦悲精氣遂銷鑠區區整齊志片紙重山嶽向來桐城
宗所尙義理學乾隆四庫開紀戴侈通博抑揚漢宋間
持世失肩鑰惜抱示異同百鷲見一鶚湘鄉用緒餘乾
坤再清廓飲鳩雖羣甘救死豈無藥惟翁潔不食辛勤

守衣鉢驗方信昭昭後起誰寄託

奉召赴天津 行在所余倦知先生贈別次韻

深愧麻鞋杜拾遺逡巡赴召屢愆期緝熙始荷維新命
辛螯誰陳小恙詩居洛望尊甯獨樂渡江矢志欲何之
重來影靜心蘇處儻柱天穿地朽時

題海日樓圖

侍坐樓中每泣然彌天孤疾渺秋煙猶聞大滿圍裝語
忽隔威音億劫前莽蕩橫流真到海淒迷殘夜尙如年
北征今後從誰別 少主慚牽數世緣

題陸文節父子手札卷子

溫

嗚呼辛亥秋亡國古未有

列聖磐石基毀壞翻覆手

堅冰固有漸繩絕值其紐戊戌傷天倫庚子困黔首巨
猾乘其間國柄竊已久行賄亂官常輿臺被章綬封疆
無重臣變起誰爲守邪說煽庠序嘉苗化稂莠國防易
新軍隱患伏腋肘梟狐羽翼成雖智莫善後到官猝出
柙舍死惟降走堂堂文烈公罵賊血濡口一門殉忠孝
大節同不朽觸憤視遺墨哀今往誰咎一死存三綱寸
心良不負偷生竟何成泚筆餘愧忸

舟中寄高雲麓同年

嗟子親藥爐正坐甚疾惡槎枒塞胸臆觸事森然作熱

血吐向壁煩冤自煎灼漢鼎繫一絲孤臣天所活經旬
不相見執手驚瘦削述病語滔滔真氣猶噴薄赴 召
予北征欲行足若縛知君貧似我裹飯獨君託琨遜心
則同張范風已邈何時地雷復乾坤洗渾濁中興拜我

皇功勝萬金藥

舟過青島訪潛樓四首

浩浩東海濱清暉靄一廬主人手種樹參天仰扶疏當
堦芍藥花娟娟表春餘有樓書插架十萬琳瑯如主人
朝盥罷竟日何爲娛掩書卽作字輟筆還讀書黽勉日
不暇歲月忘居諸庭蕪日夜深足不至門閭獨樂豈真

退

樂乾坤極瘡痛斯人著此間天意終何如

清晨聞伊晤花木靜書齋二子出揖我循牆謹趨陪
溫子弟色真疑麟鳳來先生偉衣冠恐是石徂徠神州
化相柳童艸爲梟豺種子儻不絕會挽狂瀾迴儒門今
淡薄誰爲好秀才

應門老臧獲樸野故不俗驚喜見我來致詞容有感昨
爲月十三丁巳事在目隨主在舊京親見宸位復荒
荒十四載往事堪痛哭出紙索我書流品嚴清濁書中
無多人胡瘦唐陳詒重已鬼錄主人深閉門長歲少剝
啄料無東坡客教壞君實僕

經年不相見既見終何言
千鈞蝕一髮欲語聲復吞
履霜至堅冰倏見大軸翻
持世上無學虛陋真亂源
二三浮華士見貴宰相門
肆毒遂滔天遺孽今猶存
噬臍悔何及天道甯足論
倉卒飫一飯有淚盈清尊
駛帆丁字沽潮流正渾渾

早起

窗曙如見佛俄然幽黯空
名花一宿覺好鳥他心通
寶鼎溫馨在湘簾罨靄中
不隨羣動起安隱主人翁

寄散原先生

傳聞羣盜近匡山一老棲
遲久未還噩夢千端拚歷試

溫

寥天一念獨相關
居深雲窟徑中徑
睡起晴窗閒復閒
促駕何時返溟渤
暖尊京酒得開顏

題陳向元泰甯鎮去思圖

長安黃五坐車轆轤羊頭

摸金遺孽尙縱橫
惆悵偏師捲旆旌
回馬山陵猶在望
緣邊鼓角亦多情
冬青留恨天心醉
楊柳爲官佛劫輕
末世最難明大義
贊揚非是重時英

景文誠公入直

行園常以茶囊自隨
公逝後三年予

於公所治事之案得所臨
晉人行楷一束遂與愔仲
分存之又遺烏龍茶二瓶
試啜之餘感歎不已與弢
庵年丈愔仲作詩紀其事
並爲之圖

春明殘夢官焙香廿年江海真淡忘淚銷鳳燭滴不盡
復此蓮勺霑恩光從龍帷幄幾人在零落走散殊可傷
與君對直歲月久惟有景老同迴翔眉龐鬚磔語言直
入直常自攜茶囊當年草牘連案几卽今不忍窺遺藏
我來拂塵辨手跡爭寶片紙如琳琅篋留雙瓶貯佳茗
海南風味烏龍強試煎小啜遣長晝洗滌煩濁生微涼
清嚴如見故人面致身晚節真堂堂逍遙坐食愧何補
賸癖文字沈膏肓苦吟漫追雙井黃正坐車聲繞羊腸

八月十三日渡海

飄飄江海身南北隨所緣胡今盡室行別恨翻牽連故

溫

人重我行置酒酬詩篇雜沓集旅舍伴我共不眠侵晨
犯宿霧衝雨寒江孺登舟不忍去惜此俄頃延最念弱
小弟餬口委吏間分寸不失步世好無一纏寒暑不假
息後罷往必先自爲無母兒萬劫無人憐顧彼下船影
使我淚迸泉四海復四海行李疊股肩童稚恣歡呼岸
景移當前申江百萬戶倏忽迷空煙長風動地至大波
起軒然房房深閉置牀牀困拘攣排盪羣足跛轟輻眾
器掀披衣起中夜堅立據船舷如山度黑影猛濺蛟龍
涎高桅插象緯森若寶網懸三星及北斗左右相周旋
扶搖挾噫氣肅殺盈大千萬靈訴冤痾帝所驚喧闐東

方漏微白晃漾日影穿黝鐵噴千花金銀忽相宣鑪鎔
不祥冶騰踔顛坤乾荒荒忍終古冥冥人世遷記我初
北征奉母蝨朝官袖手視陸沈未銜寸木填辛亥出國
門夢落西冷邊晨昏不努力遺恨存高阡君親已兩
負性命仍苟全安知二十載孤光迴故躔臣精實銷亡
志事何有焉豈有尺寸報酬茲溝壑年贈行慰好語予
友情邈綿恐無南歸意諸弟語尤酸起伏亂方寸眼底
輕波瀾海水不盡地我意真彌天

志弟集蒼虬閣

溫

羈縲相從一舉觴風天淒黯作重陽飄蕭寒氣爭搖落

冷澹秋容有故常江寺尋僧驚舊夢

前兩歲重九皆在焦山

天涯

有弟卽吾鄉尊前諸老看猶健還起疏慵引興長

蔣母馬太夫人七十壽

我識蔣君二十年謹厚載物今所少春暉滿庭事親樂
浮雲萬事讀書好中程天驥空勒韁名節挺立松柏長
西冷佳處著蘭墅時奉慈顏嬉野航搗來杜門遠賓客
開徑瑯嬛與世隔錦機自織分淹遲借書千里真一癡
溫溫降心敬師友吸納萬派無町畦醉經根矩斷豪飲
介祉惟獻南山卮重階蘭玉遍栽植一洗茹蘗冰霜淒

左右晨昏有道韞不數戒旦雞鳴詩況聞慈祥潤及物
仁風噓枯政一律鍊顏不知東海塵種萱北堂多歲月
我亦南湖奉母人至今花開非我春南湖風月獨君有
更喜康強進於舊我有新詩比春酒爲太夫人千萬壽
題春明感舊圖

春秋誅亂賊其始萌一敢改官先去禮國本實已斬含
生化毛角職職供獵獮是關族興亡豈直祚修短根鏡
飾微末張皇開禮館諸老信辛勤彌縫嗟已晚舊事忍
重論有責誰可道慘酷人禽哀漫託興廢感後死竟何
樂熟視餘憤懣圖中話舊人隔世空懷緬

溫

寄懷君任

燕市衣單遂卻回蒼涼孤抱與誰開未應不遇傷茲世
轉爲能閒惜此才歲月滔滔雙鬢影神州莽莽一堆灰
江東有筆今誰妒一例飄零更可哀
袁行南中丞八十 賜壽

雄姿鬱鬱見人豪萬里歸來秘六韜兩戒蟠胸恢地志
三明儷績荷天褒已躋呂尚投竿歲未改陶公運甓
勞從古耆英關運會開筵猶傍日華高

辛未二月李氏園看桃花同嘯麓作

煙染寒柯氣已新廢垣高下接田畝半篙初動鱗鱗水

一簇遙看淡淡春
曾悔流連償永憶
難移寥泬現前塵
俗緣重後違仙隱
漫效漁人更問津

歲暮

世味殘生盡沈醺
尙可尋夢中慈母面
歲晚故人心一
往悲長負難言贖
苦吟應輸早梅候
紅萼占春深

公渚悼亡索詩

感逝堯臣酷傷離師道
工君兼天下好還得古人窮
客
枕燈殘後春窗鳥語中
清尊斷根矩何法百分空

二月二十三日同情仲嘯麓出西直門至西山大覺寺
看杏花立之前二日候寺中

溫

景物西郊併恨新綠楊會拂屬車塵蕭晨古寺喧游屐
衰鬢寒山及鬧春風色微添空黯澹粉光遙擁碧峒嶙
勞馳半日酬芳節甘愧雲棲獨往人
傅松亭

誰築一亭當削峯全收境勝引游蹤能如我意松八九
不斷花光山萬重佳處留庵餘夢想良辰蠟屐苦疏慵
翻然落翼羨飛鳥回首雲濤沈暮鐘

舊京

擇棲何處覓千官無語西山故屈盤獨客來時惟偃卧
杏花殘後更春寒烏衣門巷斜陽滿白髮梨園舊雨看

振旅收京餘憤慨始悲才似寄奴難

落花簡自玉

風信番番付謬悠閒庭開謝只供愁亦知輕命難酬願
可奈同心不自由夢裏樓臺存息壤尊前涕笑此鴻溝
落紅一片猶難惜才盡蓬山第一流

五月十三日同弢庵年丈蘇堪愔仲酒集

因循果決失原齊慚愧鈞天夢未迷萬有一疏誠死罪
本難自信況天憐貫輪終欲師飛衛守樹何曾負跛奚
歲月驚心三五過銜盃安得醉如泥

挽李子申

溫

危世龍鍾百祟侵青霞奇意竟銷沈不妨迂謬殘生累
爲有芳菲一往心劫後相逢翻似贅灰餘傷逝更難任
草衣遺橐須珍重免污嗟來俗子金

靜園直廬前有向日葵一株孤秀可愛旣爲之圖並約
惛仲作詩紀之

清晨趨園直草木呈芳妍憔悴三冬枝忽復青蓋圓娟
然萬綠底見此黃金盤亭亭一丈身初日顏色鮮徘徊
自顧影風露疑可餐未施灌溉勤遺種自昔年但使本
根在長養天機全何心附氣類傾陽希甫賢一見移我
情臭味如相牽見同感則異自媚誰爲傳萬化存孤根

弱毫安所宣

題李木公肥遯廬圖

臬鸞無並棲温猛不並世
俚虎勢已成投鼠有深忌
事仇難苟同銜恩敢獨異
坐視良不忍輕去慚大義
茫茫天壤寬我行獨無地
卻瞻先幾者冥鴻恣高寄
遯遠而處裕學易符深契
洪鏞祕近響沈略斂雄志
愧此圖中人看天還忍淚

温

蒼虬閣詩卷八

壬申至甲戌六月

蕪水陳曾壽仁先

將之大連留別弼庵年丈

貪天已罪況居奇
辛苦彌縫敢息機
肝膽何緣分楚越
雲龍從古賴憑依
食籩卧席從捐棄
奇計常談誰是非
傅德保身廿年事
臨歧鄭重更沾衣

舟中

冷月淒煙籠海津
絳雲飛擁下天人
夷猶正則神靈接
際遇冬郎涕淚新
坐近椒堂真似夢
恩涵滄海欲無身
仙凡榮苑都無擇
斷斷惟思一个臣

假翮

強鄰假翮盛文公何恤胼勞與後中志決艱辛原不悔
居深情僞故難窮貪天功有之推恥投璧心能咎犯同
自古君難臣不易漫誇返國倚西戎

雪夜寄潛樓

相思徒抱千迴意契闊曾無一紙書深語恐妨憂國病
漫言還苦致情疏顛風挾海爲呼嘯密雪穿帷廢掃除
此際忍寒愁不寐知君北望更躊躇

和愔仲雪詩

垂天雲盪北溟寬際海瓊瑤許並看大樹飄零銀雁失

温

明珠破碎玉龍寒未懸曉鏡啼嘔誤徒損春心去住難
葵藿傾陽甯忍訣還憑瀕洞寫憂端對壑高下掛風嵐
誦惜仲雪詩漫成

夢穩蒲團忘歲年無端寶燄玉爐然儘將心地填愁地
直破禪天入帝天怨訴湘絃聞鳳語香留密札篆龍涎
如何珥筆瀛洲客寒甚惟將雪命篇

舟過葛沽阻冰不進

堅冰擁葛沽來往滯艫艫陰氣凌寒日歸心折半途疑
兵驚草木憎主迫萑苻回首蒙塵地何由惜賤軀
重至大連寄惜仲

際海飛英昔共看今來無雪更奇寒燈迴榻埽前塵在
歲晚樓空客思單遠去孤臣傷麩豆資行豪紀辱盤餐
雲波詭誕歧途裏誰識千鈞弩發難
除夕同君適至旅順 行在所燈下檢上海友人所贈

詩詞感賦

重溟鼓柁躡年尾風勢箭激開冰匳落帆易車突百里
峰垤起伏隨趁趨時瀨荒濱掠浩渺極目絕島餘兩三
蛟螭凍死飛鳥絕吞天一色堆黯藍海隅蒼生幾遺子
猶遵漢臘桃符黏穿崖出穴豁重鎮樓臺高下橫煙嵐
雄殤十萬表一塔斜陽如血銜孤尖獨尋故邸啟扃鑰

溫

紀綱之僕司森嚴相失深慚左右手間關一面傷遲淹
君臣相對更何語肺腑縱剖舌若鉗一名所繫重山
嶽有爭觸刃真飴甘堅冰峨峨閉天地迫塞生氣無洪
纖故人詩篇出袖底使我凍抱迴溫炎但恐臨濟失隻
眼範驅日馭非思擔宵深爆竹動年事爭忍迴睇天東
南

小樓

小樓容膝亦云安凍硯溫茶伴歲闌燈火萬家天尺咫
不知窮海有荒寒

朝烏

朝烏隨日至天涯屋小真疑斗犯槎黃道紫宸韓偓夢
青峯野水疊山家蒼涼獨起看殘月爛漫何心賦晚霞
惆悵寒梅窈益益隔年猶有未開花
雪霽夜入直

夜夜月明雪蕭蕭風偃裘曠寥宜獨往皎潔奪塵憂斗
揭天容近燈青海氣浮驚心歸去願真箇到瓊樓

元夕

不記東華火樹然瓊樓出入自疑仙明燈海上無雙夜
皓月人間第一圓報國投艱知力薄離家
賜食感
恩偏高寒風味殊塵世但少梅花伴不眠

退

温語

主憂臣辱分何辭
温語真成入骨悲
敢向天恩論去
就難從拜殼較安危
千窮更作千年調
五十仍餘五歲
衰海碧峯青獨立
處此生冷煖自應知

金州道中

殘雪明松徑
寒波盪夕陽
眼經塵驛倦
心與海鷗涼
搖落耕期晚
艱難戰迹荒
攀鱗違素願
誰可語行藏

路歧

得駕仍蓬累
沈吟感路歧
回容勞制御
失仗易傾危
降辱心誰諒
天田象有疑
食桃長白近
信宿莫淹遲

隨駕至湯岡子對翠閣

寒解劉文叔溫泉此濯龍流丹建高閣聳翠對遙峯嚴
衛窺觀絕宵征逆旅逢他年思駐蹕銘刻繼唐宗

賦得蓮實

風露一囊多房房肖蜜窠最能清夏暑終不委秋波可
愛纖纖剝遙聞采采歌蓮臺大千界心苦祕么荷

二月二日

彩殿崇隆曙色侵全將暉麗壓蕭森遷鶯賀燕紛時棟
喝道籠街簇羽林入幕客卿翻濟濟布金供帳夥沈沈
地衣堆錦花含笑辛螯誰知聖主心

溫

曙色

拚將忽忽送駸駸愁見紗窗曙色侵孤念欲窮天地憾
勞生猶炯旦明心殘釭半燄容飄瞥瘁竹寒花有照臨
欲變危機須果決誰將感激易沈吟五言不類蘇家黃
賦正紅芍藥蘇家黃賦

便欲人間第一誇最難正色似丹砂豐容宜作平章瑞
奇麗偏歸穩重花窗几有情留晚照丹青難寫是朝霞
一春風雨銷除盡寂寞東陽帶眼差

芍藥謝後作

萬紅飄盡出嚴妝一瓊悲春作道場猶有風神掩姚魏

可堪憔悴是姬姜全拋花信酬深色乍滿穠思得斷腸
羸我相看自初好不辭銷骨送年芳

題宣和御筆鞞紅牡丹

東朝御筆題

明皇酣醉沈香亭夜雨蜀道愁淋鈴道君繪事更奇絕
五國城中窟冰雪游戲豈是天子事後身重光今再至
一枝帶露寫鞞紅香國胡然見天帝當年宴坐瓊津堂
赭衣弄翰圍羣芳素絹染成天水碧正色不數姚家黃
一朝圍城迫烽火誰捧玉皇紅一朵六宮粉黛載明駝
山色燕支真奪我宴山亭畔見杏花故宮何處悲龍沙
披圖題署詞皇閣付與萬古長咨嗟

彊村侍郎題
日詞皇閣

溫

與嘯麓談鄮山阿育王寺之勝嘯麓爲之神往有詩余
更和之

勞生念念餘塵土笑口爲君說鄮山睡起隨參香殿上
飯餘無事古松間寒宵雪密茶初熟精舍蘭開衲未還
無用苓蓂治幽癖深心迴向一開顏

重至大連

蠻觸雞蟲事等閒重來雪盡見青山忽然心寄雲生處
可羨鷗忘浪激間才薄自知邀 眷過術疏始覺致身
艱百年變絕須臾事漫遣旁人錄啟顏

來長春寓葵園中同住爲茗雪夬庵及農先識先灼先

弟君適表侄兒子邦直

故人兄弟得連牀，強半征鴻聚作行。
分得開顏忘戚戚，因何矢志轉悵悵。
閒行不礙荒園小，旅食惟知白日長。
學道無成世緣滅，欲憑何事掩悲涼。

嘯麓園中桐花正開，久坐其下，以詩寄懷，因和。

香中有至清，桐花最爲佳。世人不知賞，但數榆與槐。
微之昔獨夜清陰，倚高齋幽然妙香。至萬玉飄苔堦，因之
懷故人。微吟寄詩，牌迢迢商應宮清。若雙鳳啣朋友，有
至契義等君臣。諧兩人一夕感淒我，千春懷樂天。本熱
士一躒甘照埋微之，並高才枉尋肆擠排薰蕕。理何常

退

一念成歧乖儻保清淨退豈非賢哲儕嗟君與我別情
與元白偕山川雖悠阻徒能隔形骸偶感桐花落身世
淚莫措芳馨入秀句相贈逾瓊瑰我今苦離索作惡旬
日皆妄冀荃察情幸未橘化淮何時遂幽討與子投林
厓高館憩層峯連牀對若鞵生心水精域回首空塵霾
絲桐奏良夜和露吟松斂

挽劉潛廬議政

違天復明辟功罪兩何辭執隘難酬志當仁更屬誰
睽孤傷氣類軒豁出肝脾待合張劉傳千秋史有詞
早著人倫鑒神州誤甯馨多言臣不幸至死目難瞑歲

月淹牀蓐精誠繞帝庭滔天方未已何以慰英靈

夢斷

夢斷殘宵宿雨收閒懷清冷恰無愁林通月色微疑曙
院絕蟲聲自覺秋不競溫涼吟羽扇解危腰領憶羊裘
屏除聞見齊喧寂誰識滄波不繫舟

夜起

往來思想任騰騰已證禪天第一乘康濟自家餘淪茗
昭明一室且迴燈晨趨卻曲門多客夜入蕭寥院似僧
咫尺不殊心境異懶將公案問南能

孤明

退

孤明先夜曙萬象入心寒未竟百年事甯能一榻安乖
崖應救火新建不忘官心在形神瘁空悲嶽降難

書玉谿詩集後

幾多惆悵負華年恩怨紛紜只惘然儘託門庭誇彩筆
終迷閭闔誤鈞天私書約後忘機否好夢成時枕手眠
能使柳枝驚問訊不妨幽憶寫黃泉

九逝

寒拾長廊開口笑璧琳古寺倚松吟八風凌碎不到處
九逝蹉跎餘此心同難故人皆喪逝積年蓄念費消沈
夜來月色清如水照我繩牀百感侵

慣聽

慣聽熹微鳥語喧百年心事幾涼温強知家國疑無賴
能外身名儻有存蹇習逡巡聊半數冬郎慘戚為深恩
愁聞消息如雲幻蒼狗難期變滅痕

大覺寺遲立之不至

當門樹色非前度繞砌泉聲似舊時
一笑僧房那易得故人期會莫教遲

風泉聲裏殘蛩語松栝陰中碎月明
永夜不眠清欲絕何人與會此時情

過頤和園宿香山旅館

温

當年絢爛極西郊咫尺
宸居雨露饒供帳曹司紛百
局傳呼燈火接三霄何時秋夢驚銅輦賸有春風到柳
條承直小臣今白首聊堪閒客此閒謠
妙峯山娘娘殿進香

秀絕中天第一峯鳳冠高簇翠芙蓉潛心迥出孤雲表
善眼仙留滿月容石作圍屏張錦幄道排嚴衛肅虬松
青山獨往容閒逸神儻愁予正直胸
九日同季馥鞏庵勉甫桐君及強志貽先弟約立之至
香山作登高之會

秋光全爲一山濃磊落欹寄十萬松未遠雍乾明聖世

猶餘林壑帝王容時危強興成佳會地勝逢辰起舊慵
斷雁分飛天萬里何當放眼最高峯

立之山居養疴寄贈

一邱一壑養生主聽松聽水逍遙游本來無病維摩詰
長慣單棲許散愁世上榮名仇晚節山中風物媚清秋
高寒夜夜月明好與子相期最上頭
寒宵深坐對龕燈信是前生粥飯僧山水清緣幾兩屐
乾坤長物一枝藤龍鍾忍事真人傑獮獠參禪沒技能
無用扶衰資大藥半空鸞嘯訪孫登
壽散原先生八十生日

退

每念散原叟奮飛無羽翰
名山留客久曠宇見人難
天閉孤光在塵空老淚乾
依趨賸袁子問道破煙巒
喜對能爲詩人重藏深世
隱持身眞老寂寞壽不負
期願一念殊霄壤分歧邈
友知當無豈無用九鼎繫
風絲聖恩萬彙幾榮落春
秋獨老翁息機四天下畜
德一山中孤格無心見醇
懷異趣融沈冥空轍迹藏
密入鴻濛雲窟曾相見冰
霜慘澹辰倚翁正憂懼酬
我別酸辛竟枉攀天夢仍
羈報主身直辭祝難老幸
未愧依仁

辛未十二月至旅順 行在所 上爲僦小樓三椽並

購鐵牀一長方桌二椅四飯碗茶碗小碟羹匙竹筍

各四茶壺一茶杯四水壺二白鐵鑊二炒勺二小鐵
勺二乃至盥漱之具罔弗備皆上上親過目次日入
謝天諭曰患難君臣猶兄弟也其無謝此千古臣子
受恩所未有者敬謹陳之一室以示子孫勿忘報稱
今歲壬申秋八月立之君任勉甫聚晤室中每至夜
分因爲之圖並紀以詩
傷心趨走地沒齒
解推恩羈旅資生具纖微
聖慮
煩自驚殊賚溢頓覺小樓尊
未有涓埃報應慚示子孫
才拙天容養
恩偏地轉幽獨爲
明主諒深喜故
人留多難身經切無心物競
休燈窗辛苦語前路若爲

退

酬歐陽文忠公詩集後

書廣雅詩集後

吾生猶及范希文畫牘憂時每夜分
晚節艱難詩愈好遺音哀惋世甯聞
長沙久鎮人誰替元祐重來日已曛
辛苦與人家國事調停術盡欲何云

永叔窮工語不刊達官容易廢雕鐫
曲江感遇微言絕綠野灰心五字傳
老去恩深前席對夢迴愁絕帝京篇
憂傷小雅繁霜後此卷千秋合讓專

荆公

荆公六藝冠羣倫鼎足清風如賤貧
直以仔肩付天地

最難遇合極君臣論評世遠猶難定宗社根披遂不振
間氣高文容可遇從來曉事幾何人

次韻立之夜話

等閒名節易輕肥擾擾誰參第一機薪膽同仇歧路隔
輩流洗眼廿年非空經喪亂丹心破未有江湖白髮歸
接膝寒窗燈影畔久要殘菊尙成圍

殘菊次韻立之

小樓殘菊伴淹留卧起都忘歲月遒自笑後時容愛晚
早成相負敢矜秋青霞鬱意迴餘綺冷月招魂淡一鉤
解道孤芳擅天地騷懷端合付冥搜

溫

次韻立之

斂手忍言天下事，孤懷猶吐眼中人。
容還趙璧無秦政，不賣盧龍獨子春。
柰浮槎真到海，負恩何計可收身。
未須皂莢相料理，珍重寒宵語達晨。

遼陽道中見紅梅以重價購得之

來作人間第一春，故應慘澹見凋晨。
夢投暗記青霞佩，酒暈微頰縞袂人。
滄海淚乾迴一笑，冰天鏡冷對孤顰。
自傷自媚空塵想，未管啁啾翠羽嗔。

壬申除夕

去年荒海層樓夜，危苦心情黯向晨。
坐送流光一彈指，

事違初意幾由旬迎春爆竹除宵禁破萼唐花逼歲新

冷暖分明今昔異就中知味定誰真

寄立之

山情粥味兩無厭舒卷惟君道可兼橫覽共悲人落落
高談猶起我奄奄意中龍象神如接膜外雞蟲事已纖
但惜自身足康濟策勳空守戒香嚴

學道

皇英麻林 重次齊請教具

學道原知萬事輕無心甯復起心兵花時啼鳥非常樂
雨後晴窗分外明半上簾鉤懸海色小安茶鼎引松聲
眼前已是羲皇世只要先生了死生

時室人病甚

温

王病山先生見予近詩微惜其枯實中予瘡因成此作
負負孤行不自疑悠悠輕負百年期波臣何計逝東海
蝸甲猶然留故枝孤月此心心蝕後傾河比淚淚乾時
寒巖枯木成滋味聊感先生聖得知

同勉甫子玉覺先吉林松花江邊晚眺

泫泫波湧玉魴流寫影雲山兩岸秋高柳城坊疑白下
晚江鼓角似黃州氣佳勢勝無南北地轉天迴感去留
風景不孤窮塞主經綸誰任富民侯

大連山中雨夜寄立之

小樓一別無談處鄙吝填胸不可消何日更酬高世論

蒼史閣詩卷八
三
我魂重得故人招功名太岳同塵刹事業姚江本寂寥
吾見未能聞語斷空山寒雨坐秋宵

寄君任

五言古詩
蘇餘韻升富月刻

太傅當年序贈歐桐城風義足綢繆斯文誰任中流柱
家學重看太乙舟此事百年關喪亂替儒幾輩墮溝猶
功言一手湘鄉盛莫遣蟲魚徇白頭湘

補作朱文直公挽詩

夫主聖再映

卓爾瞻湖學襟如正禮曹小顏非迹近大節薄名高去
國行吟悴穿藜結集勞瓊瑤緘至痛一代振風騷東
待我虛懸榻相望歲月深不成執手訣終負託孤心失

溫

意龍邱杖傷神子敬琴百年多苦相滄海感遺音
遺疏齋行在風饕雪海邊動容褒直節流涕說庚年
瘖口惟憂佞孤枕那勝天至今淹日馭何以慰沈泉

偶作

蒼水湖邊占一邱石齋江底有高樓始知經略乾坤者

尚是人間第二流

書歷科狀元策後

國家養士恩潭潭臨軒詔問尤尊嚴焚香士求忠孝一
大廷策對天人三傳臚歸去馳御道戴花擁馬傾城瞻
雖云三年此故事風行海澨歆窮檐持世長物只論語

眾流截斷羣陰潛空山腐儒風雨夜掩卷寤寐唐虞酣
鼓盪羣動納至靜止亂豈復勞兵戡君臣意周禮至重
氣象如日升東巖范公先憂自襴衫何況天子門生銜
一生喫著語至陋蒿梁砥柱視所擔君不見流芳百世
文文山又不見萬年遺臭留夢炎

寄答強志

知心四海一立志萬年強老至惟兄弟孤根共雪霜相

悲餘惘惘相慰亦堂堂寄語愁真宰書天字一行泉

獨夜

獨夜羣動息廓然何所思莫楹餘穆若
上丁隨
扈祭孔望葛只

退

淒其幽草夕陽戀寒花秋露滋報恩無日短何敢惜
衰遲

強志自天津來聚晤十日賦此並寄寥志貽先詢先上
海

相視俱頭白堪悲亦可欣過時傷晚學多難感離羣故
國荒松壠南天冷雁雲殘書共憂患聊可策微勳
九日和悒仲兼寄寥志強志貽先詢先
了無風雨負重陽賸有清愁染鬢霜心著遙天雲不散
秋高窮塞氣先涼但教寄語稱無恙便抵相看對舉觴
人事茫茫信搏控何時真似雁成行

至味

茶蔬食相親只苦茶温經略上口習字偶塗鴉有

至味惟蔬食相親只苦茶温經略上口習字偶塗鴉有

夢依蕭寺無情到菊花未能佛弟子且近僧生涯不道

搖落

蕭寺無情到菊花未能佛弟子且近僧生涯不道

搖落不須驚寒山有舊盟還將無限意輕徇有涯生伴

坐琴書淨開窗雪月瑩向來知我者孤枕最分明奉對

密之來自荊州除夕共飲感贈

惟兄弟孤根共雪霜

十年契闊同今夕萬里間關共一卮各已形容成老醜

尙餘臭味未差池襄陽何處尋耆舊荆楚無心記歲時

萬事推排難自料白山邂逅豈前期

恩無日賦詞難計

溫

病目初愈

張立豈遂矇真解馮信何時目卽清且喜天還讀書眼
依然夜對短燈檠

本性

何與人間事蹉跎繫此身深恩聊忍死絕遇只傷神
蘭是閒庭草桐餘爨下薪空教違本性何力報涓塵

苕雪治薊作諸葛武侯詩余有感於當時人才之乏亦

擬一首

英彥乘時各有投酬知晚出佐殘劉同心儻可關張并
替手難爲費蔣儔狼狽東行思孝直艱難上士得涼州

擎天孤柱終何濟遺恨悲涼淚不收
寄伯夔君任

吞聲不復憶江南渺渺余懷餘二三
方姚而後此沈酣感君契闊輕千里
於世畸零暖二函
冰雪千山萬山阻夢魂無著卧荒庵
春色

春色乍逢三月盡柳眉纔吐杏微嬌
漸離冰雪侵凌候
又入風沙莽蕩天誰使託根高的的
可知含怨一年年
我來暫賞旋惆悵小逗芳情已化煙
予詩學山谷畫師子久兩事皆不成戲成此作

溫

人間第一一峯畫天下無雙雙井詩顧我蹉跎衰白候
強希衣鉢二黃師筆枯水賸山殘裏思絕天荒地老時
百慮相攻才力盡不躋聖處坐非癡
春盡後又二十日見海棠一株妍媚絕世約治薌同賦
慙盡冰霜慘澹晨眼明初見內妝新三年刻畫寒林影
一笑平反故國春獨薦東皇誰分妒乍迴宮體已含顰
按歌一世空銜雨珍重今番點絳脣

明妃

蒼雪作明妃詩古人詠者多矣不能復著筆予有感
於女有色而不見知猶士懷忠而不見信明妃能使

元帝悔悟猶未爲不幸也亦擬一首
光影徘徊別漢宮胡沙萬里入春風
豐容絕世身難贖一顧驚天遇未窮
瀝血萇宏空化碧蔽讒正則枉懷忠
貞臣正色蒙知少欺隱何須怨畫工

戴文節公遺硯刻梅花一樹縈繞四周
左側鐫鹿牀居士製五字微有損文
予以廉價得之銘其背曰質損而神
完猶取義而仁全世皆棄而蒼虬所
專昔文節以書有破體不爲宣宗所
喜又爲穆相彰阿畫山水便面未設
色穆以爲輕已遭讒斥退後居杭州
殉粵匪之難予有感於公之遺事爲
作此詩

溫

鹿牀自製梅花硯鐵石風流宋廣平只合隨身玉堂直
豈期淪劫錦衣城書耽破體原臣罪畫愛寒山不世情
潤飾承平讓公等終然退斥出孤貞意旨胸襟未盡
雨歇

雨歇空階入薄寒舊書欹枕百回看睡魔盡遣茗功德
曙色微侵燈涅槃林弄啁啾紛自悅壁緣跂脉可能安
自家功課未渠了拭涕何心問懶殘
寄懷散原先生

靈光卅載返修門回首匡廬萬雪痕馬祖去因山鬼敬
老聃居益鎬京尊決流浸軸終趨海忍死攀天餘斷魂

便欲從翁屏間見都忘物變信乾坤
次韻君任風雨見懷首
老耽文字慰衰遲孤往如君夙所期
永叔深濡馬遷筆
簡齋輕了少陵詩世間何好能相易
歲晚歸墟更不疑
一夕秋風感離索
寥懷惟有塞鴻知
和史文甫寄懷

故人萬里寄詩篇
回感前踪損夜眠
未致賢才真負
主全疏人事敢貪天
久要漸蝕平生意
有覩難酬未盡
年把酒重逢何日是
只愁相見益淒然

孤林自製蘇蘇野
野野野野野野野
野野野野野野野
野野野野野野野
野野野野野野野
野野野野野野野
野野野野野野野
野野野野野野野
野野野野野野野
野野野野野野野

退

溫州府 印 公 館

理為市(2)名價